



BEKONGSI KAIYA

Lesson 12 for June 20, 2026

“TUHAN Allah
Taala udah meri Aku
jaku ti bepelajar,
ngambika Aku nemu
bejaku enggau betul
ngagai orang ke
lelak. Iya ngerak
Aku ninting pagi, Iya
ngerak pending Aku
mending baka orang
ke bepelajar’.”
(Isaiah 50:4)



Beribu iku enda ngelala Jesus enggau bendar. Kitai ngumbai sida “bedus ti lenyau,” tang sida enda nemu diri udah lenyau. Lalu baka ni sida deka nemu diri begunaka Jesus enti nadai orang nerangka nya ngagai sida?

Allah Taala ibuhka tiap iku orang ba dunya tu lalu “deka semua mensia diselamatkan, lalu nemu pemendar” (1 Tim. 2:4 NIV). Tu nyengkaum orang ke enda ngelala lya enggau orang ke, udah ngelala lya, udah limpang ari jalai lya.

Baka ni Petara udah milih deka nyapai semua orang nya? Nengah kitai. Tu meh “pengawa ti besai” kitai.



Nama utai ti patut dikunsi kitai?

➤ **Seruan (Komision) ti Besai .**



Baka ni kitai ulih bekunsi?

➤ **Neladan Jesus**

➤ **Ngemeranka kaul pangan diri**



Baka ni deka mai pulai sida ke udah limpang?


➤ **Petara ngiga anak iya .**

➤ **Kitai begigaka iya ke udah limpang.**

**NAMA UTAI PATUT
DIKUNSI KITAI?**

SERUAN TI BESAI .


"Nya alai, mupuk kita lalu gaga semua bansa nyadi murid Aku, maptisa sida dalam nama Apai, Anak enggau Roh Kudus" (Matthew 28:19)



"Pegi... [ngagai] semua bansa" nya meh pesan ti diberi Jesus ngagai orang ti begempuru deka betemu enggau Iya udah Iya angkat ari mati (Mat. 28:18-19a). Nama utai ke patut digaga seduai iya? Sida patut mupuk lalu ngaga orang nyadi murid. Reti nya, ngaga kaul enggau orang, maptisa sida, lalu ngajar sida nyadi murid Jesus (Mat. 28:19-20).

Bala murid nya, lalu ngajar bala murid bukai... lalu pia mega pengelama dua ribu taun... nyentuk ngagai jeman kitai empu. Diatu, kitai meh orang ti nerima perintah Jesus.

Baka Peter enggau John, "kitai enda ulih enda bejaku pasal utai ti udah dipeda enggau didinga kitai" (Kereja Rasul 4:20). Kitai ulih bejaku ari rostrum, nyabak ba jalai raya, bekunsika saksi kitai ba media rama, tauka semina bekunsika iya enggau orang. Kitai semua bisi enggau.




**BAKA NI KITAI ULIH
BEKUNSI?**

NELADAN JESUS .

“ Laban pengerindu Kristus mejalka kami, laban kami nemu, siku orang udah mati ngarika semua mensia, nya alai, semua mensia bela udah mati magang.” (2 Corinthians 5:14a NIV)


Nama utai ti meransang Jesus ngiga “bedus ti lenyau” (Mat. 15:24)?

Enda disangkal, nya pengerindu Iya ke kitai (Mat. 9:36; Eps. 5:2). Iya mega udah ngengkahka pengerindu Iya dalam kitai, ngambika kitai ulih bekunsi enggau orang ti bedau ngelala Jesus. Kadang-kadang, orang nguji mejal orang bukai nerima Jesus ketegal pemaik diri empu. Tang nya ukai chara ti dipilih Petara.



Petara enda mejal Adam seduai Hawa ngambika enda bedosa. Iya enda mejal orang ke diau sebedau bah besai tama ngagai bandung nya. Iya enda mejal orang Nineweh nerima iya. Iya bejaku enggau sida enggau pengerindu lalu ngelalau sida pasal empas enti nitihka jalai sida empu.


Enggau beteladan ka Jesus, kitai mandangka pengerindu Iya ngagai orang bukai, lalu mai sida nitih ka Iya.



NGEMERANKA KAUL PANGAN DIRI

“...Seruran besedia deka nyaut genap iku orang ke nanya kita pasal pengadang ti dikembuan kita, tang kereja nya enggau ati ti lembut sereta bebasa.” (1 Peter 3:15)

Kitai semua nyadi penginjil Jesus lalu diasuh nyediaka diri napi utai tu (1 Peter 3:15). Tang ukai semua kitai nemu nginjil. Taja pia, kitai bisi semaya ti madahka Allah Taala empu deka meri kitai jaku ti patut (Isaiah 50:4).



Tu sekeda tips ti mudah ti patut dikingatka nuan lebu nuan berunding baka ni deka lebih agi sengaja bekunsika Jesus enggau orang bukai:



Bekelala enggau orang lalu nempa kaul pangan ari maya ke maya .



Besampi minta Roh Kudus bekereja ba ati orang nya. Besampi minta peluang ti betul begulai enggau sida .



Giga chara ti semula jadi dikena bejaku pasal peneleba pengarap nuan empu tauka besampi ke sida .



Giga chara kena bekelala enggau kaban baru nuan enggau orang bukai ari gerija nuan .



Besampi pasal utai ti diguna tauka tanya nama utai ti dikedeka iya



Giga peluang kena nunjukka ngagai sida baka ni Bup Kudus meri pengelantang, jaku lalau, sereta iring ba pengidup kitai .



Bisi maya nuan deka nanya sekalika kaban nuan deka belajarka Bup Kudus enggau nuan. Udah nya, kaban nuan engka deka dibaptisa .

**BAKA NI DEKA MAI
PULAI SIDA TI UDAH
LIMPANG?**

TUHAN NGIGA BALA ANAK IYA .

"Ukai enda Epraim anak ke dikesayau Aku, anak ke dikerinduka Aku?Taja pen Aku suah bejaku ngelaban iya, Aku agi ingatka iya, nya alai ati Aku lelelgau ke iya, ku TUHAN bejaku." (Jeremiah 31:20)



Ba siti maya, nembia Petara bepechah: Epraim (perintah utara) ninggalka Petara; Judah (perintah selatan) mengkang tetap ati. Taja pan iya ditinggalka, Allah Taala mengkang ngumbai Epraim nyadi anak ti dikesayauka Iya (Jer. 31:20). Indah iya ngambarka inik iya, Rachel, nyabak ke bala anak lelaki iya, ti udah mati dalam dosa sida (Jer. 31:15).



Sida ti gawa ke Allah Taala lalu udah nya ninggalka Iya, Allah Taala terus ngangau sida enggau pengerindu. Sida tu anak Iya, lalu Iya rinduka sida lalu seruran ngansak sida pulai baru ngagai Iya.

Engka bisi bala anak kitai empu, ti kala nemu pengarang nya, udah ninggalka pengarang nya. Jauh ari nulak sida, kitai patut terus rinduka sida sereta bejaku manah enggau sida. Allah Taala ngingatka kitai, sida nya objek pengasih Iya ti pemadu lembut, lalu Iya amat deka sida pulai ngagai Iya.



KITAI NGGIGA IYA TI LIMPANG.

"Taja pen Aku ngachirka sida ngagai semua bansa, tang di menua ti jauh sida deka ingatka Aku. Sida enggau bala anak sida deka selamat, lalu sida deka pulai baru" (Sekariah 10:9 NIV)



Bini tauka laki kitai; anak kitai; anak indu kitai; kaban kitai; orang sepiak kitai; menyadi tauka menyadi indu nya ke kala duduk ba bangkunya... Hari siti sida besembang enggau kitai, tang diatu, dini sida?

Mayuh amai kebuah orang ninggal ka gerija. Kitai enda dikangau ngakim kebuah sida, mantah motif sida, tauka enda ingatka sida pia aja.

Tugas kitai iya nya mansang ngiga sida lalu mai sida pulai ngagai kandang.

Baka ni kitai ngereja pengawa tu? Kesatu, enggau besampi. Kedua, enggaunyadi teladan pengerindu enggau pemanah ati ngagai sida.

Testimoni pengidup nuan, pengawa, jaku, enggau sampi nuan ke orang ti udah limpang ari Allah Taala ulih ngubah pengidup sida diatu enggau pengidup sida jemah ila.



"Allah Taala engka udah nyerahka pesan Berita Manah, enggau semua pengawa ti penuh pengerindu, ngagai bala melikat ti di serega. Iya engka udah ngena chara bukai kena ngemujurka tuju Iya. Tang dalam pengerindu Iya ti nadai sekat, Iya milih ngasuh kitai nyadi sama bekereja enggau Iya Empu, enggau Kristus enggau bala melikat, ngambika kitai ulih bekunsika pengaga ati ti datai ari Iya, pengawa nginjil ti enda berundingka diri empu [...]

Enti nuan mansang gawa baka ti diperambu Kristus ke diteladan dalam bala murid Iya ti menang ngulih semangat ke Iya, nuan deka ngasaika diri brgunaka peneleba ti dalam agi sereta penemu ti besai agi dalam utai ti kudus, lalu nuan deka lapar sereta aus ke pengelurus. Nuan deka minta ampun ngagai Allah Taala, lalu pengarap nuan deka nyadi kering agi, semangat nuan deka ngirup ai ti manah agi ari telaga berkat ti dalam. Besatup enggau penyakal serta penguji deka mai nuan ngagai Bup Kudus serta besembiang. Nuan deka mansang dalam pengasih enggau penemu pasal Kristus, ti mai nuan mansang kaya dalam peneleba runding nuan”.